

本草述卷之二十三

潛江劉若金先生著 武進薛恮秉之氏校訂

喬木部

黃檗

氣味苦寒無毒 潔古曰性寒味苦氣味俱厚沉

而降陰也又云苦厚微辛陰中之陽入足少陰經

為足太陽引經藥 丹溪曰檗皮屬金而有水與

火走手厥陰經 海藏曰黃芩梔子入肺黃連入

心黃檗入腎燥溼所歸各從其類也 愚按黃連黃

流溼就燥之義誠然第水火不離土以為用是所謂體物不遺者也故連檗芩皆黃色義見連條如

六五 卷之二十三 喬木部 一

先哲鳳髓丹爲瀉相火益腎水之妙劑其說
果不謬也黃檗二兩砂仁一兩甘草五錢

主

治瀉膀胱相火補腎水不足壯腎堅骨髓治男子
陰痿及下焦諸痿癱瘓並遺精失血骨蒸衝脈氣
逆治五臟腸胃結熱黃疸腸痔止血痢女子赤白
漏下男子濁淫利下竅熱不渴而小便不利上能
洗肝明目及口舌生瘡丹溪曰檗皮走至陰有
瀉火補陰之助非陰中之火不可用也火有二君
火者入火也心火也可以溼伏可以水滅可以直
折黃連之屬可以制之相火者天火也龍雷之火
也陰火也不可以水溼折之當從其性而伏之惟

黃檗之屬可以降之。龍火出水中故名。東垣曰黃檗瀉膀胱經火補本經及腎水不足補下焦虛堅腎經曰苦以堅之。凡痿厥除溼藥中不可缺也。盧復曰黃檗木高數丈其葉經冬不凋皮之味極苦而性寒根結實如茯苓狀據氣味與象乃太陽寒水氣化所生太陽之氣最高而檗根堅結木氣專走皮苦味專走骨故黃檗能自頂至踵淪膚徹髓因熱之結聚而發生種種病者象形對待而治之。潔古曰黃檗除下焦溼腫又治痢疾先見血及臍中痛。類明曰痢疾是溼熱先見血是

腎傳脾之証東垣云痢疾見血先後以三焦熱論之先見血是下焦熱也黃檗能去下焦之溼熱

又曰臍下痛是腎經虛火鬱而爲痛也黃檗有補陰之功降火之妙東垣曰黃檗蒼朮乃治痿要

藥凡去下焦溼熱作腫及痛并膀胱有火邪并小便不利及黃瀉者並用酒洗黃檗知母爲君茯苓

澤瀉爲佐凡小便不通而口渴者邪熱在氣分肺中伏熱不能生水是絕小便之源也法當用氣味

俱薄淡滲之藥豬苓澤瀉之類瀉肺火而清肺金滋水之化源若邪熱在下焦血分不渴而小便不

通者乃素問所謂無陰則陽無以生無陽則陰無以化膀胱者州都之官津液藏焉氣化則能出矣法當用氣味俱厚陰中之陰藥治之黃檗知母是也嘉謨曰加黃者湯中使足膝氣力涌出痿厥卽瘥和蒼朮散內俾下焦溼熱散行腫痛易退佐澤瀉利小便赤瀉配細辛擦舌頰紅瘡希雍曰黃檗稟至陰之氣而得清寒之性者也其味苦其氣寒其性無毒如所主五臟腸胃中結熱蓋陰不足則熱始結於腸胃黃疸雖由溼熱然必發於真陰不足之人腸澼痔漏亦皆溼熱傷血所致洩痢

者滯下也亦溼熱干犯腸胃之病女子漏下赤白
諸證皆溼熱乘陰虛流客下部而成以至陰之氣
補至陰之不足虛則補之以類相從故陰回熱解
溼燥而諸證自除矣乃足少陰腎經之要藥專治
陰虛生內熱諸證功烈甚偉非常藥可比也 黃
檗爲足少陰腎經藥然以柴胡引之則入膽以黃
連葛根升麻引之則入腸胃及太陰脾經治溼熱
滯下 佐牛膝枸杞地黃五味子鱉甲青蒿則益
陰除熱 佐甘菊枸杞地黃蒺藜女貞實則益精
明目 得豬膽汁水銀粉則主諸熱蟲久不合口

得鉛丹則生肌止痛 得木瓜茯苓二朮石斛
地黃則除溼健步 佐白芍藥甘草則主火熱腹
痛

愚按丹溪曰黃檗有補陰瀉火之功然非陰中之
火不可用也夫陰火卽水中之火卽人身元氣之
根蒂宜溫養不宜寒瀉者也如先天元陰虛而相
火熾者不獨恃此味以獲濟唯是後天之氣血或
六淫或七情以傷之致累及元陰元陰受傷則水
不配火元陽不得元陰以宅之則少火化爲壯火
舉三焦之元氣盡爲之病矣經曰陰虛則無氣是

也。唯北方寒水所化如黃檗者。藉其同氣相求。以助陰。卽以伏陽。是丹溪所謂從其性而伏之者也。助陰以育陽。則氣食少火。元氣回而腎陽自壯。且骨髓自堅。所云療下焦痿厥者也。抑寧惟是。陰傷而陽亢。亢陽卽還以蝕陰。如骨蒸遺精失血等證。胥藉此爲要藥矣。亢陽還以蝕陰而裕陰卽以伏陽。故骨蒸遺精失血等證亦不獨恃此。又寧啻利下竅除熱止臍腹虛火之痛乎。雖

然溼熱之義何居。曰觀本經首言五臟腸胃中結熱。便可叅悟。蓋水土原合德以立地。而胃之三腕皆根於任脈者也。腎之陰氣不足則熱自結於胃。

胃壅結熱則溼土之陰氣無從施化而還病於溼
是陰氣不足則由腎而及於脾腎與脾合病疸腸
臟腸胃病於溼熱之證多矣如本經所云黃疸腸
痔洩痢女子漏下赤白固爲病於溼熱卽下焦痿
厥癱瘓諸證亦未有不合於中土之溼以爲患者
丹溪治痿獨取責於足陽明正爲此也故味丹溪
就其性而伏之一語則知用黃檗非以水勝火乃
以水養火味丹溪治痿獨取陽明之微義則知用
黃檗非止以腎陰得達於胃更欲使胃陽得化於
腎也蓋熱之結者胃陽不得化腎陰達於胃而胃

陽化矣。必如是而後可以用黃蘗。不負朱先生補陰二字矣。按山腎合脾。何以取責於胃。蓋以蘗皮達腎陰於脾。脾乃能為胃行三陽三陰之氣。而腸胃之結熱乃清。但三陽三陰之氣。脾固為胃行之。而能行三陽三陰之氣者。則屬之胃。故取責於胃耳。按元陰乃後天榮血之母氣。故丹溪酒炒末為潛行散入血分。最妙。上焦血熱用酒炒黃連。下焦血熱則酒炒黃柏。又按羅周彥曰。有先天元氣之陰。即腎水母氣所稟元精之氣是也。其真陰本體。則深藏於左腎之中。而真陰妙用。則默運於精神之內。是謂無形。

者也。後天元氣之陰，卽身中所化有形營血之母。氣先天有形元氣之陰也。此亦天賦自然之真，其體附藏於脾胃中，化見於人迎，故其脈在心部，而其用則見於血也。又曰：元陰不甚損，其有形腎水之陰暴傷，致相火動而乘於有形陰精之分爲患者，則知柏與滋陰降火之法，任以用之。至於腎水中母氣，先天元陰之精受傷，以致無根虛火爲病。若妄投之，必反損其元而絕其生機矣。合二論觀之，則所謂損其元陰，由傷其生身之精，損其腎水之母氣也。腎水之陰暴傷，由病於後天之氣血而

暴傷其有形榮血之母氣也。蓋腎水之陰，卽營血之母。此處分晰極確，而後知黃柏之可用與不可用。庶乎無誤。不止於久用而寒中，如世醫所云，亦不至於當投而輒爲斂手，以致劑不中病也。附方：臟毒痔漏下血不止，用川檳皮刮淨一斤，分作四分，用酒、蜜、人乳、糯米泔各浸透，炙乾切研，麩米飯丸，每空心溫酒下五十丸。妊娠下痢白色，晝夜三五十行，根黃厚者，蜜炒令焦爲末，大蒜煨熟，去皮搗爛和丸。梧子大，每空心米飲下三五十丸，日三服。積日夢遺，心忪恍惚，膈中有熱，宜清。

心丸主之黃檗末一兩片腦一錢煉蜜丸梧子大
每服十五丸麥門冬湯下此大智禪師方也
瘡熱瘡黃檗末一兩輕粉三錢豬膽汁調搽之

希雍曰黃檗固能除熱益陰然陰陽兩虛之人病
兼脾胃薄弱飲食少進及食不消或兼泄瀉或惡
冷物及好熱食腎虛天明作泄上熱下寒小便不
禁少腹冷痛子宮寒血虛不孕陽虛發熱瘀血停
滯產後血虛發熱金瘡發熱癰疽潰後發熱傷食
發熱陰虛小水不利痘後脾虛小水不利血虛不
得眠血虛煩躁脾陰不足作泄等證法咸忌之

修治 以蜀中所產其皮緊厚二三分其色鮮黃者爲良 時珍曰黃檗性寒而沉生用則降實火熟用則不傷胃酒制則治上鹽制則治下蜜制則治中 能曰滋腎水瀉膀胱必資乎鹽炒療瘡癰消結熱悉聽乎引經酒炒以治血分之痛鹽製以去骨間之疼

厚朴

以建平宜都及梓州龍州者爲上木高三四丈徑一二尺葉似槲葉四季不凋五六月開花紅色結實如冬青子生青熟紅實中有核味頗甘美木皮

鱗皴以肉厚色紫多液者入藥最良

芎藭氣味苦温無毒 別錄曰大温 普曰神農岐

伯雷公苦無毒李當之小温 權曰苦辛大熱

潔古曰氣温味苦辛氣味俱厚體重濁而微降陰

中陽也 杲曰可升可降 主治温中散結氣除

脹滿疏胃溼滯治胃中冷逆嘔吐及腹疼洩利療

寒溼霍亂化水穀止吐酸水除冷積更同他藥治

溼熱諸證霍亂并腹痛脹滿及下痢 潔古曰厚

朴平胃能除腹脹若元氣虛弱雖脹宜斟酌用之

誤服脫人元氣惟寒脹大熱藥中兼用乃結者散

之之神藥也 丹溪曰厚朴屬土有火其氣溫能
瀉胃中之實也平胃散用之佐以蒼朮正爲瀉胃
中之溼平胃土之太過以致於中和而已非謂溫
補脾胃也習以成俗皆謂之補哀哉其治腹脹者
因其味辛以提其滯氣滯行則宜去之若氣實人
誤服參芪藥多補氣脹悶或作喘宜此瀉之 海
藏曰厚朴與枳實大黃同用則能瀉實滿承氣湯
中用之與陳皮蒼朮同用則能除溼滿五積湯中
用之若與解利藥同用則治傷寒頭痛如正氣散
之類與治痢藥同用則厚腸胃如當歸丸之類大